

United Nations

1325 (2000)

Nayshon Dem Wey Kam Togeda

Sikuriti Rezolyushon Numba

Security Council

Sikuriti Barray

Distr.: General

31 October 2000

Rezolyushon 1325 (2000)

**De Sikuriti Kansul gree en pas pan dem 4213 barray
na Octoba 31 2000**

The Sikuriti Kansul

We fur memba dem 1999 rezolyushon numba 1261 wey dem pas August 25, 1999, en rezolyushon 1265 wey pas September 17, 1999. En we fur also memba dem rezolyushon wey dem pas na de yia 2000. Numba 1296 wey bin pas na April 19, 2000, en Numba 1314 wey bin also pas na August 11, 2000. We fur also memba de sem wurd en tings dem wey de prezident bin tok abut en nor fur furget de tings dem wey de prezident tok abut to de news peepel dem de same day fur de Nayshon dem wey kam togeda Uuman dem Rite en

Inta-nashonal Uuman Day en Inta-nashonal Peace way na bin March 8, 2000 (paypa wok numba SC/6816),

Na fur also memba de tings dem wey de Nayshon dem wey kam togeda e barray na de Beijing Dekla-rayshon en Platfom fur Akshon (de paypa wok numba A/52/231) en de paypa wok wey kommot pan de twenti tree speshall barray wey all de kontree dem wey na memba pan de Nayshon dem wey kam togeda dem call "Uuman 2000: Uuman en Man fur be Ikwil, en ow fur Behteh mortal man dem en avuyd kata kata, en fet fet wit gons fur de nex undred yias wey dey kam (paypa wok numba A/S-23/10/Rev.1), en de tings dem wey konsan Uuman dem pan kata kata en fet fet wit gon,

Na fur memba de plan en de lors en tings dem wey de Nayshon dem wey kam togeda tinnap fur, en de numba wan ting wey de Sikuriti Kansul or Barray mus tek kia of akordin to de lors fur mek inta-nashonal peace en mek peepel dem tap saffle wit nor ala ala,

Na fur sho konsan dat de rehghula peepel, patikula de uuman en pikin dem na dem na de wan wey peepel wey dey fet, fet wit gons dey afekt bad pas all man, en e inklud de peepel dem wey runaway frum dem kontree en wey nor get plais fur tap bekos orda peepel dem dey fet wit gons, en mor en mor na dem na de peepel dem wey deh fet wit gons dem dey lok fur, en na fur rekognize de way ow peepel dem go mek peace las, en ow dem go setul dem palava,

Na fur tinnap tranga pan de sirius pat wey uuman dem deh play fur lef en setul palava, en fur mek peace, en na fur fos dem fur mek dem mix wit de man dem all de way en play ikwil pat fur mek en push fur peace en mek de plais sikur, en de nid fur gee

dem borku pat fur mek desishon wen e kam pan stop en setul palava,

Na fur tinnap tranga pan all dem wan dem wey mix pan dis, fur mek shor seh dem klia all dem danjarus ammunyshon dem way dem berr na grund for damaj de peepel dem, en dem fur put plan togeda wey go mek peepel dem knoe abut dem danjaruss gons and ammunyshon wey dem berr na grund, en dis plan fur tek akount of de speshall tings dem wey dem Uuman and titi

Na fur rekognize the margo margo nid fur put befoe fur ow fur pred man en uuman dem kwally pan de way fur mek peace, pan dis sem ting ya, na fur memba de tings wey dem tok abut en gree pan na Windhoek, na Namibia, dem call dis barray de Namibia Plan of Akshon pan ow fur luk fur borku way dem for mek Uuman en Man Ikwil pan all de bato way dem get fur bato pan dem Peace Oprayshun dem (de paypa wok numba na (S/2000/693),

Na fur rekognize ow sirius de wurd and tings dem wey de Prezident bin seh, wen e tok to de news peepel dem March 8, 2000, e tok abut all de peepel dem wey dey wok fur mek peace fur eduket dem good, fur leh dem protekt en kip de Uuman en Titi dem, en also de tings dem wey dem wan bad en dem mortal man rights fur Uuman en Titi dem pan kata kata en palava bizness dem,

Na fur rekognize if dem undastan de way fet fet wit gons de ambug dem uuman en titi dem, na fur mek tranga plan wey go mek shor seh dem tek kia fur dem uuman en titi dem, en protekt dem en mek dem tek ful pat fur mek peace so dem go kontribyut borku ur de push fur mek peace en sikuriti,

Na fur obsav en memba seh dat dem fur put togeda all de infur-mayshon on ow de fet fet wit gons dey ambug dem Uuman en Titi dem,

1. Na fur tell de kontree dem wey jyun de Nayshon dem wey kam togeda fur mek mor Uuman dem dey na posishon fur mek desishon pan all ayria, nashonal, rejonal ur inta-nashonal;

2. Na fur enkorej de Secretary-General fur mek speshall plan wey e fur akt pan (paypa wok numba (A/49/587) en fur mek borku Uuman dem tek pat fur mek desishon pan kata kata en fur mek peace;

3. En na fur luk pan de tings dem wey deh ambug uuman en titi dem, de tem wen dem get palava. En na fur mek shur seh dat all de kontree dem wey na memba fur mek dem dorbul borku uuman dem pan posishon way dem deh mek desishon pan all ayria wehda pan nashonal, rejonal, en inta-nashonal plais dem en fur fen way, wey dem go manaj, avuyd en skata palava;

4. Na fur also mek de Secretay-General fen way fur mek de pat fo borku uuman dem tek pat en kontribyute pan de Nayshon dem wey kam togeda dem fild oprayshon, en espeshally amung solja obsarva dem, peepel dem wey norto solja bot wey na polis, mortal man rite en de wokman dem way dem deh wok fur peepel dem behteh wan;

5. Na fur sho seh dem wan fur put togeda uuman en man pan dem uprayshon fur kip de peace, en na fur mek de Secretary-General mek shur seh, usai wey e korekt, oprayshon na de fild fur inklud uuman en man;

6. Na fur ask de Secretary-General fur gee de kontree dem wey nah memba ways fur sho dem ow fur eduket en gee dem de tings fur mek uuman dem tap saffle, dem rite en `patikula de tings dem wey uuman dem nid, en ow sirius fur mek uuman dem tek pat fur kip de peace en ways dem fur bild peace, nah fur ask de kontree dem wey na memba fur kam togeda en put all dem tings ya, en also fur put togeda dem nashonal plan pan ow fur train de solja en civilian police fur mek dem knoe abut HIV/AIDS fur mek dem go redy fur go usai dem go sen dem, en nah fur ask de Secretary-General fur mek e mek sure seh all de wokman dem wey norto solja pan oprayshon for kip peace mek dem eduket dem de sem wey;

7. Nah fur ask de kontree dem wey na memba mek dem gee borku korpor, en sho seh dem deh bato wit teknikal en de tings dem wey fur de plan wok pan de way ow dem deh train uuman en man, nah fur inklud korpor en plan wey mix wit de Nayshon dem wey kam togeda lek osusu fur de Uuman dem en de Pikin dem en na de wok place pan de Nayshon dem wey kam togeda dem High Commissioner for peepel dem wey runaway frum dem kontree bekus kata kata en fet fet wit gons en orda bordee dem;

8. Fur call pan all de aktors dem wey mix, when dem deh bagin en put togeda de tings dem wey dem gree pan fur mek peace, dem fur tek uuman en man pan paspektive, en inklud dem all:

(a) De tings dem wey dem uuman en titi dem nid wey dem go get fur kam back for tap usai dem yus fur tap, en fur de meresin en treetment, en fur setul dem bak en fur bild bak afta de palava don don bam-by;

(b) Mehzor dem wey dey bato de lokal uuman dem akshon fur mek peace, en dem yone lokal way fur end palava, en nah fur mix de uuman dem pan all de way dem dey gree fur mek peace;

(c) Mehzor wey go mek shor seh de protekshon of, en de respekt fur mortal man rite fur dem uuman en titi dem, espeshally, wey e kam pan de kontree lors, dem elekshon, de police en de korts;

9. Na fur call pan all de peepel dem weh deh fet wit gon fur respekt de inta-nashonal lor weh na dem uuman en titi dem rite, en fur tek kia fur dem, espeshally as dem na regula peepel, en patikula de tings dem weh na dem yone akodin to de Geneva Konvenshon weh dem pas 1949 en de orda 1977 protokol, de 1951 refugee konvenshon en de 1967 protokol, de 1979 konvenshon fur lef all kine of discrimi-nayshon pan uuman dem, en de 1999 Upshonal Protokol en de 1989 Nayshon dem wey kam togeda dem Konvenshon pan de rite of dem pikin dem, en de tu May 25 2000 Upshonal Protokol, en na fo memba de sem tings dem weh deh pan de Rome Lor pan de inta-nashonal Tiff man Kort;

10. Nah fur call all de peepel dem pan de palava en fet fet wit gon fur tek speshall mehzor fur protekt dem uuman en titi dem frum bad bad tings wey kin apoon pan uuman en titi dem, espeshally fur ty dem lappa by fos en orda uuman lappa bad biznes, en all orda bad bad tings wey kin apoon wen dem get palava en fet fet wit gon;

11. Na fur tinnap tranga pan de tings dem weh kontree fur do, fur lef fur leh peepel dem go free afta dem komit bad, bad tings, dem fur mek dem ansa fur de borku peepel dem weh dem kil, en de bad, bad tings weh dem komit pan de mortal man dem, en de bad tings dem weh dem komit wen dem bin deh fet wit gon, en weh dem ty dem uuman dem lappa by fos, en de bad, bad tings dem weh dem deh do pan dem uuman en titi dem, en na fur tinnap tranga en mek shor seh dem nor furgiv dem fur de krym ya

so en mek shor seh dem nor go free;

12. Na fur call all de peepel weh mix pan de fet wit gon fur respekt de peepel dem en de mortal man dem na de refugee kamp en usai dem tap, na fur also tek pan akount de patikula tings dem weh dem uuman en titi dem nid, dis fur inklud de wey dem deh bild de hos dem weh dem tap, en na fur also memba de rezolyushon numba 1208 weh dem pas Novemba 19 1998, en numba 1296 weh dem pas April 19 2000;

13. Na fur enkorej all dem wan dem weh dey plan fur tek de gons en ammunyshon frum de fetman dem, en fur brok dem dong en bring bak togeda all man, en konsida de difren tings dem weh de uuman en de man dem weh bin deh fet dem nid, en na fur tek akount of de peepel weh aboepan dem;

14. Na fur tinnap tranga bak pan de wey weh dem go redy, any tem dem gree pan any ting weh dem put dong na paypa unda Article 41 pan de Nayshon dem wey kam togeda dem lor dem, en na fur tink abut de sirius wey dis deh afekt all de peepel dem, na fur also memba de speshall tings dem wey dem uuman en titi dem nid, so dat fur konsida de korekt tings dem wey nor go afekt de mortal man dem;

15. Na fur sho seh dem redy fo mek shor dat de Sikuriti Kansul wey dem sen peepel owt fur do wok, dem fur tek akount en konsida man en uuman, en de uuman dem rite, en na fur heng aid wit orda lokal en inta-nashonal uuman grup dem;

16. Na fur ask de Secretary General fur lan de tings dem weh deh ambug dem uuman en titi dem, wen dem fet wit gons, en de pat weh uuman dem deh play fur bild peace, en fur mehzhor de man en uuman dem weh dey mek peace en lef palava, en fur go befoe en ask am fur turn oba de tings dem weh e fen en watin e lan frum de study, en fur gee dat to all de kontree dem wey na memba pan de Nayshon dem wey kam togeda;

17. Na fo ask de Secretary General, usai wey e korekt, e fo inklud pan e ripot ow dem deh go befoe pan de way ow dem deh put man en uuman bak pan dem rehghula plais, all oba de wok wey dem deh do fo mek peace en all dem orda tings wey na dem uuman en titi bizness;

18. Na fo kam pan de desishon fo dey pantap watehva dem dey pan.

Security Kansul rezolyushon numba 1325 wey pas na de yia 2000